

دائرة مخصوصه

درسعادتده باب عالی جوارنده

محل اداره :

مبدأ القلم

۱۳۲۶

اخطار :

مسئله مع موافق آثار جدیده مع المنوبه قبول اولنور

درج ایله بن آثار اعاده اولنور

دینه، فلسفه، علوم، حقوق، ادبیاتده و سیاسیاتده و باطاضه کرب سیاسی و کرب اجتماعی و مدنی احوال و مشوره اسلامیه و در بحث ایر و هفته ده بر نشر اولنور.

آبونه بدلی

سنه لکی

التي آیلنی

ممالک عثمانیه ایچون	۸۰	۴۰	غروش
روسیه	»	۳۰۵	روبله
سائر ممالک اجنبیه	»	۹	فرائق

صاحب و مؤسسری :
ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

درسعادتده نسخه سی ۵۰ پاردر

قیرله دن مقوا بورو ایله کوندریلیرسه سنوی
۲۰ غروش فضله آلنیر

صو آلتنده قالان قسم اعظم ارضك محیطی حقیقده برچوق اختلافات وجوددر .

برروایت نزه انسال بشرک نوح (ع. س) اخفادنن وجوده کلدیکی و تورات شرحنده بیان ایدیکی اوزره نیل کنارنده یتیشن نباتات نوعندن یابیلاں کمی اها لیسندن باشقه هیچ کیمسه نکلما دیغنی سویلیور . دیگر برروایتده طوفانک معین برمنطقه داخلنده حصوله کلدیکی ، بیان ایدیور . بونی ایلک دفعه ایکنجی عصر میلادیده یتیشن ، اورتودوقس راهلرندن سوریه لی «تایه» ادعا ایتمش و یونانستانده بوزمینہ متعلق برچوق وعظلم ویرمشدر . (آنسیقلوبه دیوره لیزیونه) ده معلومات مفصله واردر .

زول لاروق ؛ « تاریخ و فن » عنوانی اثرنده دیورکه : [جودی داغی ائتکرنده اجرا ایدیلن تدقیقات ؛ بورالینک ادوار سالفهده صو آلتنده قالمش اولدیغنی واضحاً کوستیر . ذروه نکل ۳۰۵ مترو اوزاغنده قوملر ، طاشلرک آنجاق وضعیت طبیعی لرندن استدلال ایدیله بیلن اشکاللر ، نوات عضویه بولونمشدر . بونلر ؛ ارضک اوغرادینی حادثات طبیعی نتیجه سیدر .]

فلسفه مثبتہ نکل بویوک مدافع لرندن اولان دوکتور « روبینه » ؛ فضلہ اوله رق « دهرینه رایده » ده ترکستانک ، شمالی ایرانک ، قافقاسیه نکل صولر آلتنده قالدیغنی بیان ایدیور . بوحوالیده بولونان حیوانات بحریه انطباعاتی ، نوات متحجره ؛ قوانین مدنیہ اسلامک محتویات باهره سنی انظارمن اوکنه قویویور . کله لم فلسفه دینیہ مزه :

سوره نوحده « ماخیطائهم اغرقوا فادخلوا... » آیت کریمه سنده « اغرقوا » نکل ذکر ایدله سی معنای عمومیت افاده ایده مز . چونکه : « انا ارسلنا نوحاً الی قومه ان انذر قومک ... » آیت کبراسنده نوح (ع. س) ک یالکنز قومی انذار ایچین ارسال ایدیلدیکنی قطعاً بیان ایدره . حالبوکه : « قوم » آری آری حوالیده یاشایان وعاداتی یاشادقلمی محیط تأثیریله آرزوق ده کیشن جمعیت صغیره انسانیه معناسنده در . قوم لفظندن « ارضک ازلیتندن ابدیته دوغرو سیلان ایدن » نسغ حیاتیسی « قصد ایدیله مز . مقدساتمه نظراً اوامرالهیہی تلقی ایدمه مین قوم نوح (ع. س) ک اغراق ایدیلدیکی وارضک سائر محللرنده ساکن عناصرک قورتولدیغنی قطعی در . بتون کره ارضک صو آلتنده قالدینی فرض اولونسه تحولات طبیعی نکل حال حاضره آزاجق موافق برتأثیر اجرا ایدیکی زمانلرده اولاد نوحک وسائط ابتدائیہ ایله آمریقایه ناصل کچه بیلدیکی واردخاطر اولابیلیر . « قولومب » ک وسائط مدنیہ نکل نسبة فوق الاماده موجود برزمانده بولوندوغنی حالده آمریقایه نه قدر مشکلات یله کیتدیکی تصور اولونورسه بونک مستبعد برخیال اوله بیله جکی ، بدیه ییدر . آمریقانک مؤسسات ابتدائیہ سی ، اوتده بریده بولونان تکلیسات حیوانیه کوستیریورکه : بوراده حیات ؛ دوره آدم (ع. س) ایله معاصردر . هیچ بر انقطاعه ، هیچ برسقوطه اوغرامه مشدر . طبقات متحجره نکل انتظامی ده بوکا بویوک بردیلدر . بوتون بومناقشات فیه ، دلائل منطقیه ؛ طوفانک

معین برمنطقه داخلنده وقوعه کلدیکی آکلایور . رشیم حیاتی بردن . انسانلر ؛ کره ارضک تحولات طبیعییه اوغرامغه باشلادیغنی زمانلرده بو مجهول قطعه لره یرلشمشدر . طبیعتده حصوله کلن حادثات متماذیه تأثیریله یکدیکنندن آیریلشمشدر . نوح (ع. س) صولر آلتنده ترک حیات ایدن قومندن صوکر اوحوالی ایچین بر (ایکنجی ابوالبشر) در . چونکه : « ما خیطائهم اغرقوا... » آیت کریمه سنک مضمونی عمومی دکل ، خصوصیتی افاده ایدیور ، « ... الی قومه... » قیدی اعتراضه محل بر اقایور . دیمک اولویورکه : نصوص قرآنیه وحقایق فیه وقوعه کلن طوفانک بوتون کره ارضه شامل اولما دیغنی میدانه چیقاریور . مدرس زاده

کوپریلیلی : باهر السقنی

قرنظرانی

لسان عثمانی تدریساتی حقیقده

(معارفک دعوتیله اسپارطه لی حقیقندی طرفندن ۲۹ اغستوس ۲۲۵ تاریخنده اسکی مکتب حقوقده مکاتب رشیده معلمینه تقریر ایدلشددر) ایکنجی مصاحبه دن مابعد

(خلاصه : فعل و فعلده اوج عنصر — اصل معنا عنصری — تمیز کوکلر وفیلزلی کوکلر — اصلاری اوره توب احتیاجی اداره ایتک یولی — ماده اصلیه وماده فعل — اصلرده نی — زمان عنصری — آنا صیغه لر وربط صیغه لر — دو قوز آنا صیغه — آنا صیغه لرک تشکیلی — صیغه لرده نی صورتی و مضارع نفیک بوزوقانی — ربط صیغه لری او قدر ایشله ک دکل — ... بقیه سی صوکره)

فعل ایله اسم آراسنده کی فرقی بیلیرز . اسم ؛ برشی کوسته ریر ، بوقدرله قالیر . فعل ایسه ، بر حال برایش ، بروارلق بیلدیرر . واقعا بوده برشی کوسته رمک دیمکدر . فقط اسم برشی کوسته روب قالدینی حالده ، فعل بوقدرله قالمایوب او شینک زمانتی وصاحبنی ده آکلایور . مثلاً (اویودی) ، (کوردی) دیندیکی وقت ، بونلرندن آکلادیغمز حالدن ایشدن ، وارلقدن باشقه ، اویویان کیم ؟ کورن کیم ؟ نه زمان اویودی ؟ نه زمان کوردی ؟ بونلری ده برابر آکلارز . بویله جه مثلاً (اویودی) کله سندن (« او » « کچمش زمانده » اویودی) معناسی چیقار . ایشته بوقطعی فرق ، فعللری اسملرندن قطعی صورته آیریر .

شو حالده فعلده باشلیجه اوج شی بولونیور دیمک : حالی وایشی بیلدیرن اصل معنا ، بونلری ایچنه آلان زمان ، بونلرک صاحبی اولان شخص ... بو اوج شینک بر برندن فرقلی اولان عنصرلری بربری آردنجه صیرا طوتار . یعنی تا باشده اصل معنا عنصری بولونوب زمان عنصری اوندن صوکره کلیر ، شخص عنصری ایسه هپسندن صوکره یه قالیر . مثلاً (کوردیکز) کله سی فعلدر . بونده کی (کور) عنصری (کورمه) دنیان اصل معنایی کوسته ریر . (د) ویا (دی) عنصری بومعنا نکل ظرفی اولان زمانی و فعلک برطورینی کوسته ریر . (کز) عنصری ده بومعنا یه صاحب اولان ، بوایشی

یابان شخصی کوستهریر . كذلك (کشنز) کلهسی فعلدر . بونده
(کل) آنا معنایی ، (مش) زمانی ، (ز) شخصی کوستهریر .
بوغنصرلر بعضی یرلرده بویله ترتیب اوزره تمام تمام ، آچیق آچیق
کورونمشده قبول ایتدیگمز اساس مقبولدر . ایشته بونقطه فعلده
اک اساسلی وداًما نظرده طوتولاجق برنقطه در .

بونقطه دن صوکره هر کسجه معلوم بر ایکی اصطلاحی ده شوپله
بر اوجنه طوقونارق اویندیرمق مناسبدر . جمله جه معلومدرکه
فعلده کورونن وارلنک ، حال وایشک ساحی اولان شخصی و شیده
(فاعل) دیرلر . بو حال وایش یا فاعلک کندیسنده قالیر ، یا فاعلدن
آشوب باشقه بریسنه طوقونور . معناسی فاعلده قالان فعله (فعل
لازم) و معناسی باشقه سنه طوقونان فعله (فعل متعدی) دیدکاری
کبی معنا کندینه طوقونان او باشقه بریسنده (مفعول) دیرلر .
فاعلی بللی و میدانده اولان فعله (فعل معلوم) و فاعلی نه دنسه سوپلنمیه رک
مفعولی فاعل یرینه کتیر یان فعله (فعل مجهول) دیرلر . بعضاً
فاعلک یایدینی ایش باشقه سنه طوقوناجق یرده ینه کندیسنه طوقونور .
بویله فعله (فعل مطاوعت) و (فعل مطاوع) دینیر . بعضاً ده
فاعلر بردن زیاده اولور و یایدقلمی ایش ینه کندیلرینه طوقونور .
بویله فعله (فعل مشارکت) و (فعل مشارک) دینیر . مثلاً (احمد
اویودی) دیدیکمزده (احمد) فاعلدر ، (اویودی) فعل لازمدر .
(احمد محمدی کوردی) دیدیکمزده (محمد) مفعولدر ، (کوردی)
برجهتدن فعل متعدی و برجهتدن فعل معلومدر . (احمد کورولدی) ده
(کورولدی) فعل مجهولدر . (احمد کوروندی) ده (کوروندی)
فعل مطاوعدر . (احمد کوروشدی) ده (کوروشدی) فعل مشارکدر .
بو خاطر لری تازه له دکن صوکره مقصده دونوب اوج عنصری
برر بر یوقلامه ایدم .



اک اول (اصل معنا) عنصرینی آلاجغز . یونی زه دن آلاجغز؟
مصدر دن آلاجغز . دیمک ، مصدر بوراده ده اوکزه چیقیور . مصدر
فعلک آناسی اولدینی کبی ، اسملردن صفتلردن پک چوغنک ده
آناسیدر . کوردک که مثلاً (طوتمق) کله سندن برچوق اسم و صفت
چیقار . . هله بونلردن (طوتان) ، (طوتوجی) ، (طوتمش) ،
(طوتغون) ، (طوتمه) ، (طوتولان) ، (طوتولمش) ، (طوتولوجی)
و (بیلدیک) ، (طانییدیق) کیلری فعله پک یقین ، پک علاقه لی . .
صانکه بونلر فعل ایکن زماندن شخصدن مایه لرینی غائب ایدوب
یرندن قایمش ، فعلک سینه سندن قوپوب اسم و صفت اولمش . بونلر
فعله بوقدر یاقین اولقله برابر اسم فامیلیاسنه کیرمشدر . بزایسه اسم
بجئنده دکلز ، بوراده مصدری کوروب کچه جکمز .

مصدرک کندیسی زه دن چیقار؟ بونی آرامق ، اینجه له مک
لغتچینک ایشیدر ، قواعدچینک ایشی دکلدر . بوراده شو قدر
سویله یه بیلیرز که مصدرلرک بعضیسی اصلندن طوغوشندن مصدردر ،
بعضیسی ایسه صوکره دن اسمندن صفتندن یا کشریلارق مصدر

حانه قونولمشدر . یعنی بونلرک بعضیسی کوکدن سورمه در ،
بعضیسی دالین اکه در . مثلاً (کورمک) ، (طوغمق) ،
کله لری مصدر اولارق طوغمشدر . . (بویامق) ، (اکشیمک) ،
(آچیمق) ، (شکر له مک) ، (طوزلامق) ، (شکرلنمک) ،
(طوزلامق) ، (شکرلشمک) ، (طوزلاشمق) ، (اکشیلنمک) ،
(آجیلاشمق) ، (اکشیلشمک) ، (آجیلاشمق) مصدرلری ایسه
(بویا) ، (شکر) ، (طوز) اسملریله (اکشی) ، (آچی)
صفتلردن برر تقریبه طوغورتولمشدر . بو باقیسه کوره مصدرلر ،
(اصلی) اولور ، (اسمی) اولور ، (وصفی) اولور .

مصدرلردن (بویامق) ، (یامامق) ، (صیوامق) ، (اکشیمک) ،
(اسکیمک) ، (آچیمق) کبی بعضیلری اسمندن و وصفندی
چیقارلدینی ، یوقسه اسم و وصف کندیلرندینی چیقیدینی بیلنه مه به جک
قدر مصدر اصلی به یاقیندر و یا مصدر اصلیدر . بعضیلری ده (شکر له مک) ،
(شکرلنمک) ، (شکرلشمک) ، (طاتیلانمق) ، (طاتیللاشمق) ،
(سرتلنمک) ، (قاتیلاشمق) کبی اسمندن صفتدن یایدقلمی ، یعنی
(اسمی) و (وصفی) نوعندن مصدر اولدقلمی آچیق آچیق
کورونه جک صورتده آنادن طوغمه مصدر دن اوزا قدر اصلی اولمایان
نوعندن مصدردر . بونی بوندن زیاده اوزاتمایلم . . چونکه بوراده
بزه لازم اولان شی فعللرک (اصل معنا) عنصریدر .

معلومدر که اسم معنا نوعندن اولان مصدرده فعلک آنا معناسی
بولونور ، زمان و شخص بولونماز . بونک ایچون مصدر دیدیکمز کله یه
باشقه بر قیمت عطف ایدیلور . مصدر نه اولورسه اولسون ، اصلی
ویا اسمی و یا وصفی اولسون بونک بزجه اهمیتلی جهتی ، اوندن فعللرک
آناسی اولان کوکی ، فعل ماده سنی آلمقدر . مصدر دن - کوتوکک
قورویرینی کسر کبی - (مک) ، (مق) اداتی قوپاریر آتارسه ق ،
بزه لازم اولان اصل آنا معنالک کوکنی الهه ایتمش اولورز .

بو کوک هر وقت تر تمیز اولاماز . بونک کندی طوغوشی
اعتباریله دورلو درلو طورلری حاللری اولدینی کبی ، فاعلنه نظراً
و فاعلیله آلیش و یریشی اعتباریله ده دورلو دورلو دو کوملری بوغوملری
چاتاللری اولور . بعضی کوکلر (اویو . .) ، (کور . .) کبی تر تمیزدر ،
فیلز دن دالین خالیدر . بعضی کوکلر (شکر له . .) ، (شکرلن . .) ،
(شکرلش . .) کبی طوغدینی صیراده ، بلکه ده طوغمق ایچون بر آز
فیلز یامش دکیشمشدر . بعضی کوکلر ایسه (اویوت . .) ، (اویوتدور . .) ،
(اویوتدورت . .) ، (اویوتدورتدور . .) ، (کورول . .) ،
(کورون . .) ، (کوروش . .) ، (کوروشدور . .) ،
(کوروشدورت . .) ، (کوروشدورتدور . .) کبی دورلو دورلو
دکیشیکلکه اوغرایوب طبعیلک و آنادن طوغمعلق حالی ایجه غائب
ایتشدر .

بونک سببی ایسه پک بللی . . لازمک ، متعدیلهک بعض اصلرده
صناعی و صوکره دن یایمه بر حالدر . چونکه لسان ، بزه ایسته دیکمز
قدر آنا معنا کوکی بولوب ویره مز . چاره سیز ، اوافق بر عملیه ایله

لازم اصلری متعدی یپارز .. مشارك یپارز .. متعدی یپارز تکرار تکرار متعدی یپارز .. مطاوعری مشارکری برده متعدی یپارز .. اسملرده (لك ، جی ، لی ، سز ، جك ، جگن ، جه ، مسی) کبی آیاققرله یکی یکی اسملر یایدیغمز کبی فعللرده ده بویله (ت ، ل ، ن ، ش ، در ، درت ، درتدر ، درتدرت) کبی اکقرله ، پارچه جققرله اکسیکری یولنه قویوب احتیاجی اداره ایدرز ، اصلری اوره تیرز . (او یو ..) اصلندن (او یوت ..) اصلنی چیقاریرز . (کور ..) اصلندن (کورول ..) ، (کورون ..) ، (کوروش ..) ، (کوردور ..) ، (کوردورت ..) ، (کوردورتدور ..) ، (کوردورتدورت ..) ، (کوردورتدورتدورت ..) کچینرز .

بو اصل معنا کوکلرندن مصدر فامیلیاسنده حصه لر چیقاروب (او یوتمه) ، (کورواه) ، (کورومه) ، (کوروشمه) ، (کوردوردورمه) ، (کوردورتمه) ، (کوروشدورمه) و (او یوتوش) ، (کورولوش) ، (کورونوش) ، (کوروشوش) ، (کوردوروش) کبی مصدر تخفیفیلر ، حاصل مصدر لر یپارز . ینه بورادن ، اسم فامیلیاسنه براقیلان فعلدن قویمه اسم وصفقرده اولدجه اهمیتلی برپای چیقار ، (او یوتوجی) ، (کورولوجی) ، (کورونوجی) الخ .. دینیر .

آکلاشیلدیغی وجه ایله مصدر اداتی آلدقدن سوکره اورته ده قالان کوك ، یا آنادن طوغمه و اکن عاری ساده بر کوکدر ، یا بر طاقیم پارچه لر آلوب ساده لکنی غائب ایش فیلیزلی پوروزلی بر کوکدر . برنجی حالده کی کوکله (ماده اصلیه) وایکنجی حالده کی کوکله (ماده فعل) دیر لر . ماده اصلیه ماهیتده کی کوکله طوغدینی کبی قالیر ، آغیزدن چیقدینی کبی یازیلیر . فقط ماده فعل ماهیتده کی کوکله کی پارچه جققر ، ادات اولدینی حالده ، یازیده اطرادینی بك محافظه ایده مز . مثلاً (ل ، ن ، ش) حرفلرینک اوستنه مناسب صائقر قونولورده (یاپیل) ، (ییقیل) ، (صاقین) ، (صیقین) ، (کورول) ، (کورون) ، (بوغول) ، (بیلیش) ، (کوروش) اصلری بر آز اطرادسز یازیلیر . کذلك (در ، اوت درتدر) پارچه جلرنده ده بوحال واقع اولور .

اصلرده لازمی متعدی یایمق ، متعدی بی مجهول یایمق ، مطاوع یایمق ، مشارك یایمق ایچون قوللانیلاجق اداتلر شوپله بویله معین و معلوم ایسه ده بونلری قواعدجی حقیله حل ایده مز . مکر که بك چوق مستثنای صیرایه دیزه . واقعا مجهول ایچون (ل) ، مطاوع ایچون (ن) ، مشارك ایچون (ش) ، متعدی ایچون ده (ت ، در ، درتدر) کبی بر طاقم پارچه جققر وار .. فقط بونلری کوزمزی قایا یوتوب ده هر اصله تطبیق ایده میز . بونده بیلنلرک قوللانیشنه سوپله ییشنه تابع اوله جغز . بزم یاپاجغمز شی ، طلبه مزه بر طرفدن برچوق (اصلی واسمی ووصفی) اصلر بولدوروب بونلری متعدی ، مجهول ، مطاوع ، مشارك یایدیرمق وایشلمکدر .. بر طرفدن ده بونلرک فرقلینی حس ایتدیرمک وکندیلرینه بولدورمقدر .

فعلل مثبت اولور ، منفی اولور . بو حالده فعللرک اصلری ده بالطبع مثبت و منفی اولور . اصلر کنندی حاللرنده بولونورکن مثبتدر . بونلری منفی یایمق ، بیلدیکمز وجه ایله غایت قولایدیر . خفیف هجالی اصلره (مه) و ثقیل هجالی اصلره (ما) علاوه

ایدیلنجه ایش بیتر . زمان عنصری نفی اداتندن سوکره یه قالیر . بونک یالکز مضارعلرده بوزولدیغی صیراسی کلنجه سوپله یه جگن . فعللرده کی منتظم تفیک یاننده برده اولدجه منتظم استفهام ایشی وار .. بونی ده شخص عنصرندن سوکره کوره جگن .

اصل معنا عنصرندن سوکره زمان عنصری کلیر . معلوم که زمان اساساً اوچدر . ماضی ، حال ، استقبال . بو عنصرده زماندن باشقه برشی ده وار . مثلاً (او یودی) ده ماضی ، (او یومش) ده ماضی .. بونک برنده فعلی کورمش اولمق ویا او قوتله تلقی ایتمک وار ، دیکرنده بونی باشقه سندن ایشتمش اولمق ویا او قوتله تلقی ایتمک وار . بوکا باقنجه بو عنصره یالکز (زمان عنصری) دیمک بر آرتسا محلیدر . فعل بو عنصری النجه ، (صیغه) دینن شی میدانه کلش اولور . بیلیم که بوکا (صیغه عنصری) دینسه اولورمی ؟ نه ایسه (زمان عنصری) دیدکجه بونی بر آز ده افضله معناده آکلایویورم .

فعل بوایکنجی عنصری آنجه ، (صیغه) دینن شی میدانه کلور . (صیغه) نه ؟ فعلک بر حالی که فعل احوال ایچنه کیرنجه اسمدن تماماً آیریلورده زمانی ده تضمن ایدیور . فقط بوراده ده برشی وار . فعلک زمانی تضمن ایتمک حالی هر وقت بك صریح دکل .. یعنی صیغه لرک بعضیسنده زمان آچیق آچیق کورونیور ، بعضیسنده قابالیجه ویا قابالی کبی . مثلاً (کوردی ، کورمش ، کورور ، کوریور ، کوره جک ، کوره ، کورمه لی ، کورسه ، کورسون) صیغه لرنده زمان بك آشکار . حال بوکه (کوروب ، کوردکده ، کوردوکه ، کورونجه ، کورمه لی ، کوردیکی ، کوره جکی ، کوردیکندن ، کوره رک) کبی صیغه لرده زمان بر آز قابالی . اوته کیلرده زمان کبی شخص ده آچیق آچیق کورونورکن بونلرده بوجهت ده کور ، بوجهت ده صاغیر . (کوروب) دیوروز .. بکی ، نه وقت کوروب ؟ بوندن سوکره کله جک فعله باقالی .. مثلاً (کوروب قاجدی) دیرسه ک زمان ماضی ایمش ، (کوروب قاجیور) دیرسه ک زمان حال ایمش دیه حکم ایتمه لی . کذلك (کورونجه) دیوروز : بکی ، کیم کورونجه ؟ (بن کورنجه) ، (سن کورنجه) ، (او کورنجه) ، (بز کورونجه) کبی بر اداره یایمالی که شخص آکلایشلسین . بونلرک جملری ده همان یوق . شو حاله نظر آ صیغه ایشسنده بر ایکی دورلولاک کنندی کوسته ریور .. برنده زمان وزمانله برابر شخص آچیق وتمام ، دیکرنده زمان وزمانله برابر شخص آچیق وتمام دکل . تمثیل معذور طو تولسون ، بری تام نام ازکک ، دیکری بر آرخشا . نه یایمالی ؟ عقلمجه اساسده صیغه بی ایکی نوعه آیرمالی . بونک بر نوعنک ، یعنی یاریم یامالاق و او یوتتی صیغه لرک ذاتاً بزده اسمی وار : ربط صیغه لری . بونلر (ربط صیغه لری) : یمه لی .. تام و قبادایی صیغه لره (آنا صیغه لر) دیمه لی . بوندن ایسنی بولوب ده سوپله ین اولورسه قبوله حاضرزه . بن شمذیلک بوتعیرلری قوللاناچیم . اوت ، صیغه اساسا یکیدر : آنا صیغه لر ، ربط صیغه لری .

آنا صیغه لری آزار طارارسه ق دو قوز دانهدن عبارت بولوروز . بونلری شخص معناسندن تمامیه قورنارمق قابل اولما دیغندن چاره سز بر آز تسامحه شخص عنصرندن ظاهرأ خالی کورون غائب صورتی

آلارق (کوردی ، کورمش ، کورور ، کورپور ، کوره جک ، کوره ، کورمه لی ، کورسه ، کورسون) صورتتده بولا جغمز بودوقوز شکله صیغہ ایله (ماضی شہودی) ، (ماضی نقلی) ، (فعل مضارع) ، (فعل حال) ، (فعل استقبال) ، (فعل التزامی) ، (فعل وجوبی) ، (فعل شرطی) ، (فعل امر) دینلدیکنی بیلیرز . بونی بولدقن صوکره ، آرتیق امر صیغہ سنک (امر غائب) و (امر حاضر) دیه ایکی آیری صیغہ صورتتده طاغیتماسی ، صیغہ شرطیه نك فعل التزامی ایله (ایسه) فعل اعانه سنک برلشمشی فرض ایلمه سی کی و همله اعتبار ایتمیز . بولونان دو قور صیغہ کی صیغہ عنصرلرینی ، اصل معنا عنصر - لرینک هر دورلوسنه طابق قابلدر . اصلر ، کرک ، صدرک اصلی ویا اسمی ویا وصفی نوعدن اولسون ، کرک بونک لازم ، متعدی ، مجهول مطاوع ، مشارک کی تنوعلرندن اولسون . فرق یوق . . ایشته هر صویدن برطاقیم اصلر ، یعنی اصل معنا عنصرلری . . مثلاً ، (کور) ، (اویو) ، (داملا) ، (اکشی) ، (آچی) ، (شکرله) ، (طوزلا) ، (ازبرله) ، (آزارلا) ، (کفنله) ، (حسالا) ، (اکریل) ، (دوغرول) ، (شکرلن) ، (طوزلان) ، (شکرلش) ، (طاشلاش) ، (یشر) ، (قارار) ، (یشیلان) ، (قارالان) ، (یشیلانش) ، (قارالاش) ، (شکرلندیریل) ، (بالاندیریل) ، (اویوت) ، (اویوتدور) ، (کورول) ، (کورون) ، (کوروش) ، (کوروشدور) ، (کوروشدورت) . . . صیغہ عنصرلری بونلرک هیسنه قولایجه یایشیر . صیغہ لری ناصیل تشکیل ایدرز ؟ بوندن قولای برشی یوق . . ماضی شہودی ییپاجغز ؟ اصلره (دی) عنصرینی یایشیدیریوز ، (کوردی) ، (اویودی) ، (داملادی) ، (اکشیدی) ، (آجیدی) ، (شکرله دی) ، (طوزلادی) دیرز . ماضی نقلیمی ییپاجغز ؟ (مش) عنصرینی یایشیدوروب (کورمش) ، (اویومش) ، (داملامش) ، (اکشیمش) دیرز . مضارعیمی ییپاجغز ؟ اساس اولارق بر (ر) آلوب ، بونی او حالیه ویرینه کوره مناسب برصائتله اصله یایشیدیریوز ، (اویوز) ، (داملار) ، (اکشیر) ، (آجیر) ، (شکرله ر) ، (طوزلار) و (دلر) ، (چالار) (کیرر) ، (چیقار) ، (یایشیر) ، (کورور) دیرز . فعل حالی ییپاجغز ؟ (یور) عنصرینی آلیرز . . فعل استقبالیمی ییپاجغز ؟ (هجک) ، (یه جک) و (اجق) ، (یاجق) عنصرلرینی آلیرز . . فعل التزامیده (ه) ، (یه) عنصرلرینی ووجو- بیده (مهلی) ، (مالی) عنصرلرینی آلیرز . . (کورپور) ، (ازبرله یور) ، (باقیور) ، (اویویور) و (کوره جک) ، (ازبرله یه جک) ، (باجاجق) ، (اویویاجق) و (کوره) ، (ازبرله یه) ، (باقه) ، (اویویه) و (کورمه لی) ، (ازبرله مهلی) ، (باقالی) ، (اویومالی) و (ازبرله - سین) ، (باقسین) ، (کورسون) ، (اویوسون) ، (اویوسوند) ، (اویوسون) دیرز . صیغہ تشکیلی ایشنی قولای جهتدن یوروتور ایسه ک حساب بودر . اما داری بی داوول ایدنلری سویله تیرسه ک سوز چوق اوزوندر ، ایش چوق کوچدر . هله مضارع ! پکی ، مضارعک تشکیل ایلمهستی

آزاجق تفصیل ایدهلم . اونلرک تفصیلی قیصار و قیصالتیرسه ق دیه بیلیرز که مضارعده اساس بر (ر) در . اصلک آخری صائت ایسه (ر) بوکا یایشیر . . (ایسته - ایستهر) ، (آتلا - آتلار) ، (اری - اریر) ، (طاشی - طاشیر) ، (سورو - سورور) ، (یورو - یورور) ، (اویو - اویور) ، (اوقو - اوقور) کی . اصلک آخری صائت دکلیده صامت ایسه ، بردن زیاده هجالی اصللرک صوکلری اوستون واسیره هجالیلرنده (ر) دن اول بر (ی) و اوتوره هجالیلرنده (ر) دن اول بر (و) کلیر . . (بجر - بجریر) ، (صاتاش - صاتاشیر) ، (کتیر - کتیریر) ، (طانیش - طانیشیر) و (اوفور - اوفورور) ، (کوتور - کوتورور) ، (بویور - بویورور) ، (اوتور - اوتورور) کی . بر هجالی [آخری صامتلی] اصللرده ایسه (ر) حرفی خفیف هجارده ساده اوستون حرکه ایله و ثقیل هجارده دائماً الفله اوست طرفه یایشیر . . (دل - دلر) ، (چال - چالار) ، (کیر - کیرر) ، (چیق - چیقار) ، (اوز - اوزر) ، (کوم - کومر) ، (طوت - طوتار) ، (قوغ - قوغار) و (سرپ - سریر) ، (قالق - قالقار) ، (سیلک - سیلکر) ، (بیرت - بیرتار) ، (دورت - دورتر) ، (اولچ - اولچر) ، (بورق - بورقار) ، (قورق - قورقار) کی . فقط (کل) ، (قال) ، (بیل) ، (کور) ، (بول) ، (اول) کی بعض اصللرک مضارعلری (کلر) ، (قالار) ، (بیلر) ، (کورر) ، (بولار) ، (اولار) اولاجق برده ، قاعده دن قاجوب (کلیر) ، (قالیر) ، (بیلیر) ، (کورور) ، (بولور) ، (اولور) اولتور . ظن ایدرم ، بونلرله اوغراشمق قواعدجیدن زیاده لغتچینک ایشیدر . بونک حسابی مطلقاً قواعدده کسپله جک ایسه بونلری بولوب بولوب صیرایه دیزمه لی ، صاییلی بوزوق مضارعلری بویله جه میمله مه لی ، ایپله مه لی ، باغلامالی .

صیغہ تشکیلی یولنده یوروتولن بوملاحظه لرده ، باخصوص یازی دوشونولورسه اوافق تفک تسامحیر ، کورمزدن کله لر بولونور . فقط ساده لک کوزتمک ، ایشی کوچلشیدیرمه مک و قاریشیدیرمامق ایچون بویله یایمق لازمدر . برده جودت پاشادن بری پک چوق قواعدجیلرک یایدینی کی ، اصللری بر اقوبده صیغہ لری اصلک غیریدن چیقارمهغه جالیشمامالی . . مثلاً « فعل التزامینک مفرد غائبنه (یور) علاوه سیله فعل حال و (هجک) ، (هجق) علاوه سیله فعل استقبال یایشیر » و « فعل التزامینک مفرد غائبی بعضاً (صابه ، کی) صفت اولور » و « منفی ماضی شهودیلرک جمع غائبلری ده بعضاً (قیریلادیق ، کی) صفت یرنده قوللانیلیر » دیمه مه لی . چونکه بو حال مبتدی لری یا کلینش دوشونمکه سوق ایدر . چو چوق ظن ایدر که فعل التزامی بر آنادر . . (صابا) صفتتده فعل التزامیدن ، بونک مفرد غائبلکنندن و كذلك (قیریلادیق) صفتتده ماضی شهودیلکنندن و بونک جمع غائبلکنندن ، فعللرک زمانندن و شخصندن بر شیلر وهم ایدر . . حال بوکه بونلرده اونلردن شمه یوقدر .

(تعلیله و سببه)، (زمانیه)، (حالیه) آدلرینی طاقوب کچورز . فقط بو تعیرلر بک مقرر و جمله جه مصدق دکل . حتی (کلدکده) شکلنک کتابلرده یری و آدی یوق .. بونک (کلدکجه) صورتنده ادا ایدیه جکنی و بو ادا داها موافق اولاجنی سویلیئر اکیسک دکل .. بونلره استاد اکرمک ، مشعش افاده اصولنه زینت اولان او کوزل (یاد ایت) منظومه سنده کی ،

« بر لیل سکوننامه .. تنها ..
« اولدقده نسیمنک سر آب ،
« قیل چشمکی عطف سمت بالا ...

« سودالر ایچنده نور مهتاب ،
« اولدقجه درونکه غم افزا ..
« ایله او کچن دمی تذکر !..

« پیش نظر کده سطح دریا ،
« ایتدکجه تموج و تنور ..

« یاد ایت ، بی ساکتانه یاد ایت !... »

بندی اوقویارق ، بونده کی (اولدقده) بی (اولدقجه) یه و (اولدقجه) ایله (ایتدکجه) بی (اولدقده) و (ایتدکده) یه دیکشدریب دیکشدریره مه یه جکلرینی صورمالی ... نه ایسه .

اصللرک مخصوصاتندن اولان متعبدلک ، معلوملک ، مجهوللک ، مطاوعلک ، مشارکلک ، مثبتلک حاللری طبیعتیه ربط صیغه لرنده ده جاریدر . یالکز (کلوب) ، (کله لی) و (کلنجه یه قدر) و سائره دیمکله قالمایوب ، (کوردوروب) ، (کورولوب) ، (کورونوب) ، (کوروشوب) ، (کوروشدورولوب) ، (کوروشولوب) و کذا (کوردوروله لی) ، (کوروله لی) ، (کورونه لی) ، (کوروشه لی) ، (کوروشدوروله لی) ، (کوروشوله لی) ، و هکذا (کوردورولونجه یه قدر) ، (کورولونجه یه قدر) دیه رک بو قوللانیلشردن ده استفاده ایدرز .

شمدی شخص عنصرینه کچورز . بقیه سی وار

عالم اسلام

« قران : بیان الحق » دن :

چین مسلمانلری

۱۳۲۷ سنه هجریه ، ۲ رمضان المبارک ، ساعت اون بر بچق ده خانکاندن عزیمت ایتک اوزره اشیلری حماله یوکلہ توب اسکله یه کلدیم . بوراده : عیسی بای نمازی ، احمد بک و سائر برچوق صیمی دوستلر حاضر ایدی ، بعضیلریله وداع ایتدم ، بعضلریله استیمبوظله واپوره قدر کلدیلر . ساعت تمام ۱۲ ده واپوره کلدیم . الحمدلله بو عزت ، بو نعمت هپ اسلام نعمتیدر . واپورده بیوک برصالونده بر ساعت قدر

ایشته کورولویورکه اصل معنا عنصری ، کندینه زمان اداتی طاقلمه دن و صیغه شکلی کله دن اول نه ایسه بونلردن سوکرده هپ اودر . بونک بر حرفنه طوقونولماز ، صیغه اداتی کوزلجه کلیر ، اصلک صوک حرفنک آلتنه قولایجه یرلشیر . فعلک اوست عنصرنده قیامت قویسه آلت عنصرلرک بوندن خبری اولماز و خبری اولماق لازم کلیر . انسان ، بونی نظره آلاق دوشونورسه ، مثلاً (سویله) اصلندن آلتان صیغه لرده (ه) نهایتنک یوق ایدله سنه نه سویله یه جکنی بیله مز ، (باق) اصلندن آلتان مضارعک (بقار) شکلنه کیرمه سنه باقار قالیر . صیغه لرک بو صورتله اصللردن چیقارلماسنه (اشتقاق) دنیلدیکنی بیلیرز .

دینجک آکلامشدق که منفی فعللرده نفی اداتی اصل عنصرینک آلت طرفه کیرر ، بو عنصرله صیغه اداتی آراسنده یر طوتار . نفی اداتنک بعضاً (مه) ، بعضاً (ما) صورتنده و بعضاً صائتمز یالکز بریم اولارق یازلماسی بو نظامی هیچ بوزماز . آنجاق شو وارکه تورکجه نک بو ساده نظامی بزم شیوه ده مضارعلرده بر قضایه اوغرایوب سقطنمش .. یازیق یازیق که ، مثلاً (کلیر) مضارعنک منفیسی (کله ییر) اولاجق یکن (کلز) اولمشدر . دیگر صیغه لرده ایسه قاعده وانتظام تمامیه یرنده در . ایشده ذره قدر سقطلق یوق ، ماکینه کوزل کوزل ایشله یور .. (کلدی - کله دی) ، (کلش - کله مش) ، (کلیور - کله یور) ، (کله جک - کله یه جک) ، (کله - کله یه) ، (کله لی - کله مه لی) ، (کله سه - کله سه) ، (کله سین - کله سین) کبی .

(ربط صیغه لری) دیه آیردیغمز دیگر نوع صیغه لر ایچون نه دیه لم ؟ (کلوب - اوقویوب) ، (کله لی - اوقویالی) ، (کلنجه یه قدر - اوقویونجه یه قدر) ، (کلنجه - اوقویونجه) ، (کلدکجه - اوقودکجه) ، (کلدکده - قالدقده) ، (کلدیکی و کله جکی - قالدیقی و قالا جنی) ، (کلدیکندن و کله جکندن - قالدیغندن و قالا جغندن) ، (کلدکن سوکره - قالدقن سوکره) ، (کله رک - قالارق) صورتنده همان بر اون قدره چیقاردیغمز بو قیسه جق وظیفه لی صیغه لر ایچون سویله یه جک چوق شیمز یوقدر .

بونلرک بعضیسی (کلوب) ، (کله لی) ، (کلنجه یه قدر) ، (کلنجه) ، (کلدکجه) ، (کله رک) کبی هر دورلو اوینا قلدن محروم ، عادتاً پاسلی برر دمیر پارچه سی حالنده .. نه زمانی کورپور ، نه شخصک خاطرینه باقیور .. هپ (کلوب) ، (کله لی) صورتنده طور یور .. (کلدیکی و کله جکی) ، (کلدیکندن و کله جکندن) کیلری ایسه ، آرقادا شلرینه باقنجه بر آز ایشله ک .. شخصه کوره (کلدیکم و کله جکم) ، (کلدیکده) ، (کلدیکندن و کله جکندن) ، (کلدیکندن سوکره) صورتلرینه کیروب بر آز حرکت اثری کوسته ریور .

بونلره صیرا ایله (عطفیه) ، (ابتدائییه) ، (انتہائییه) ، (تعینیه) ، (توقیتییه) ، (برینک آدینی بیلمه یورم) ، (تعینیه وصله) ،